

• sawcuenh •

Geq Miz Giz Baengh

□ Danz Hijvah / 谭喜花

Mboengqneix, Buzliuz daengx ngoenz mbouj raen saekdi najriu gvaq, de mbouj dwg danqheiq lae raemxda, couh dwg gag boux ndeu naengh youq bakdou, song da maezfdw muengh coh mbiengj ndoi doiqmienh haenx.

Mbiengj ndoi haenx, dahlwg de Dahsiengh song ndwen gonq couh dinghdingh ninz youq gizhaenx lo.

Dahsiengh lizbae, lumjbaenz mbouj miz saekdi ciudaeuz, lumj raq rumz nei ci daeuj couh saet bae mbouj raen ngauezingj.

Ranz Dahsiengh ciengx nonsei, ngoenzhaenx ndit ndat lumj feiz, gyaegvae muengh bae, gwnz namh feizyiemh hwnjyubyub, Dahsiengh caeuj gvan de Daihnywj bae mbaet mbawsangh ma gueng nonsei, dauqma seiz cingq dwg banringz 12 diemjung. Dahsiengh naeuz ndat lai youh hozhawq, daeglwg de Vuzvuz muengz daek vanj souh haeuxyangz ndeu ndenq hawj de. Dahsiengh doq ci denfunghsan doq ndoet souh, de ndoet vanj souh haeuxyangz le, roxnyinh ndangdae gig naetnaiq, gyauej ngunh raixcaix, hix gig raninz, byawz rox de hwnj congz baez laepda, caiq hix ndiu mbouj gvaqdaeu lo.

Boux byoemhau soengq boux byoemndaem, meh Dahsiengh Buzliuz siengsim ndaej yaek siengj goenq saihoz caez dai bae riengz. Buzliuz ndaej 70 geij bi lo, de caeuj gvan de Goengliuz ca mbouj lai yaek gaenh 40 bi cij seng Dahsiengh dahlwg dog neix. Nienzgeq seng lwnyey, angq lij caengz rox gaeuj, Goengliuz cix youq Dahsiengh ngamq okseng mbouj geij nanz couh gvaqseiq lo, ce Buzliuz song mehlwg yahmai lwdog doxbaengh gvaq saedcej.

Dahsiengh maj daengz nienzgeij hab haq le, Buzliuz baenzlawz sij ndaej haq Dahsiengh bae ranz vnz ne? Couh ciu lwegwiz daeuj hwnjdou, boux neix cingq dwg Daihnywj. Daihnywj ranz youq ndaw bya rungh, ranz Dahsiengh yienznaeuz mbouj fouqmiz, cungj beij youq ndaw rungh baez hai dou couh raen bya ndei lai lo, caiq naeuz Daihnywj doiq Dahsiengh hix gig miz cingzeiq. Dahsiengh caeuj Daihnywj doxndiep doxgyaez, caengz najhoengz doxceng gvaq, hojsik song boux ngamq guh gvanbaz ndaej 8 bi couh ciengxlwenx doxbiek lo, ndek ce daeglwg Vuzvuz ngamq rim 7 bi.

Dahsiengh gvaqseiq le, Buzliuz siengsim nanzgvaq, Daihnywj hix mbouj ndeigvaq, de dwg bousai, raemxda caenh lae coh ndawsim bae. Vuzvuz hix mbouj lumj gaxgonq yienghaenx gyaeg gangj gyaeg riu lo, lumjbaenz baez yaepda couh majhung roxsoq haujlai, caemdingh ndaej lumj bouxlaux nei.

Mboujguenj baenzlawz siengsim nanzgvaq, saedcej lij aeu laebdaeb gvaq roengzbae, bouxgeq lwnyey lij aeu ciengx. Daihnywj ndaem ndei daeuzmiuz le, aemq daeh bae baihrog dajgoeng lo. Daihnywj baez lizhai, Buzliuz ndawsim engq fanz engq nyapnyuk, gak cungj gak yiengh naemjap hawj aen sim de luenhlablab.

Buzliuz naemj: Danghnaeuz Daihnywj daiq daeglan dog de dauqma ndaw rungh youq, roxnaeuz lingh bae gizwnq aeu yah baenzranz, swheij gaenq

geqlaux, baengh bouxlawz gvaq saedcej? Caiq gangj daeglan Vuzvuz, de baenzneix dwggyaez, baenzneix nomj, Buzliuz ningznyienh vut diuz mingh swheij, hix sij mbouj ndaej hawj Vuzvuz lizbae. Danghnaeuz Daihnywj lingh aeu yah, mehmbwk haenx doiq swheij song buzlan mbouj ndei, daengzcog youh baenzlawz guh ne? Mbouj naemj cixbah, maz cungj naemj caez hawj vnz simfanz, mbouj geij nanz, Buzliuz couh byomroz haujlai lo.

Liggauej ndwenloeg, ndit dak haenq baenz feiz, haeuxyangz yaek baenz sou haeuxnaz hix yaek gvej lo, gyoengqvunz dajsou dajndaem guhhong nyaengqfoedfoed. Seizneix, Daihnywj ganj ma daengz mbanjranz lo, de yamqdin haeuj dou, Vuzvuz couh angq hemq coemj haeuj ndaw rungj de bae.

“Meh, mwngz baenzlawz la? Ndangdae mbouj ndei ha, raen mwngz byom haujlai lo.” Daihnywj cam naeuz.

“Mbouj miz maz, vnz geqlaux lo, ngoenz beij ngoenz reuqroz lo.” Buzliuz ndawsim yienznaeuz luenh lumj ndaij nyungq nei, baez dingq gij vah Daihnywj, dauq hix roxnyinh miz di raeujrub.

Sou haeux, ndaem miuz, guh hong reihnaz le, Daihnywj youh aemq daeh bae baihrog guhhong lo.

Seizcou, rumzliengz ci daeuj sangjsdswd, doenghnaz seiqlengq haeux henj lumj gim, aen geiqciet fungsou he youh daeuj daengz lo. Daihnywj ganj maranz lo, baezneix cix mbouj gag de boux ndeu dauqma, lij miz dahsau nienzoiq youh lengjlili he riengz de maranz.

Henz ndang Daihnywj lai miz dahsau neix, Buzliuz caeuj Vuzvuz cungj roxnyinh ngeizvaez caeuj doeksaet, song buzlan dinghdingh ndwn youq

gizhaenx mbouj rox baenzlawz guh cijndei.

Dahsau gig daihfueng doiq gyoengqde song buzlan naeuz: “Meh, gou dwg dahyoux Daihnywj, heuhguh Dahsiu, vnz Mbanjfuk.”

Buzliuz dingq le, gwnz naj cengqgengz loh ok di riu he, Vuzvuz ndoj haeuj baihlaeng daxbuz, cengq hung doiq da rongh ndaem, muengh le muengh Dahsiu, mbouj guhsing.

Buzliuz ndawsim naekgywgywg, de naemj: Seizneix Daihnywj ra ndaej dahyoux dwg saehndei, hoeng gyoengqde song boux cungj dwg lwg rog dungx, mbouj rox daengzcog doiq swheij caeuj Vuzvuz baenzlawz yiengh. Naemj daengz neix de “ai” danq gaemz heiq raez he.

Roxnaeuz vnz naemj saeh lai le, ndangdae naiqnuek cingsaenz mbouj cuk. Laebdaeb geij ngoenz, Buzliuz mbouj gangj hix mbouj riu, gag guh gag gwn, sim hix mbouj onj saekdi.

Ngoenzhaenx singgeiz ngux lajbyonghngoenz, Buzliuz bae hagdangz coux Vuzvuz. Song buzlan vang gvaq maxloh seiz, aen ciq he sawqmwh fwt cung gvaqdaeu, Buzliuz caeuj Vuzvuz cungj deng bungq laemx lo, song buzlan deng sieng, miz di naek.

Bouxlaux bouxnyaeq youq yihiyen yw sieng, Dahsiu gig mbouj onj, de caeuxcaux couh hwnq congz, cawj ndei ngaizromh couh soengq bae yihiyen. Buzliuz sieng naek, mbouj ndaej doengh fwngz, Dahsiu naihsim bwnq de gwn souh gwn dang, ciepdauj hawj songde swiq naj mad ndang, nanz mbouj nanz lij gangj saekdi vahriu daeuj songde.

Dahsiu naeuz: “Meh, gou rox mwngz vihmaz sim mbouj onj, mwngz gaej ngeix lai lo, gou nyienh daeuj caeuj Daihnywj guh ranz ndeu, couh dwg vnzcaen mwngz caeuj Vuzvuz.”

Geij ngoenz gvaqbae, Dahsiu haethaemh mbouj liz gvaq ranzbingh, Buzliuz caeuj Vuzvuz yied daeuj yied maij Dahsiu lo. Buzliuz roxnyinh Dahsiu yied yawj yied lumj dahlwg swheij nei, mizseiz mbouj roxnyinh cungj heuh coh loeng bae, Dahsiu hix mbouj hozndat, riunyumnyum dapwnq.

Vnz simcingz ndei maz cungj ndei, Buzliuz caeuj Vuzvuz gizsieng ndei ndaej gig vaiq, mbouj geij nanz couh ndaej maranz lo. Buzliuz gaemdawz faj fwngz Dahsiu ndaetndaet bae, song hangz raemxda lae roengz najgemj daeuj, naeuz: “Siu, mwngz caeuj Daihnywj cungj dwg lwg ndei gou, gou caiq hix mbouj yousim mbouj miz dieg baengh lo. Raeuz hix yawjyawj ngoenzndei, banh gij saeh sou.”

Dingq gij vah Buzliuz, Dahsiu naj hoengzfefe muenghyawj Daihnywj. Daihnywj riu naeuz: “Meh, raeuz seizneix cungj dwg vnz ranz ndeu gvaq, caiq gangj ranz raeuz seizneix hix mbouj miz geijlai ngaenz, banh mbouj banh saeh mbouj youqgaenj, raeuz daengx ranz ndeindei gvaq saedcej couh baenz lo.” Buzliuz dingq le, engqgya sim angq sim maez.

“Meh.” Youq ndaw ranzbingh Vuzvuz, Vuzvuz ing haeuj rungj Dahsiu bae sing iq heuh baez ndeu, Dahsiu miz di doeksaet, Daihnywj hix miz di doeksaet, roxnyinh daeglwg bienq roxsoq lo.

